



Universitätsbibliothek Paderborn

**De Variis Generibvs, Cavsis, Atqve Exitv Perseqvvtionvm,
Qvas pij hoc in mundo peregrinantes patiuntur**

Lens, Jean de

Lovanii, 1578

Gentilitatem varijs distractam deorum cultibus vitijsque dißipatam, in hoc tamen conueniße, vt vnius Dei cultores persequeretur. Cap. 12.

urn:nbn:de:hbz:466:1-30324

DE VARIIS PIORVM

todes, qui etiam post ascensum Domini persequitionem
grauissimam fecit. Deinde quid respondent etiam de Iuliano,
quem non numerant in decem? An ipse non est Ecclesiam
persequitus, qui Christianos liberales literas docere ac
discere vetuit? Sub quo Valentinianus maior, qui post eum
tertius Imperator fuit, fidei Christianae confessor extitit, mil-
itiaque priuatus est. Ut omittam quæ apud Antiochiam fa-
cere cœperat, nisi unius fidelissimi & constantissimi iuneni
(qui cum multis ut torquerentur, apprehensis, per totum
diem primus est tortus) inter vngulas cruciatusque psallen-
tis libertatem atque hilaritatem miratus exhorruisset, & in
cæteris deformius erubescere timuisset. Postremo nostra
memoria Valens supradicti Valentiniani frater Arrianus,
nōnne magna persequitione per Oriëtis partes catholicam
vastauit Ecclesiam? Quale est autem non considerare Ec-
clesiam per totum mundum fructificante atq; crescentem,
posse in aliquibus gentibus persequitionem pati à regibus,
& quando in alijs non patitur? Nisi fortè non est persequi-
tio computanda, quando rex Gotthorum in ipsa Gotthia
persequitus est Christianos crudelitate mirabili, cùm ibi
non essent nisi catholici, quorum plurimi martyrio coro-
nati sunt, sicut à quibusdam fratribus qui tunc illuc pueri
fuerant, & se ista vidisse incunctanter recordabantur, audi-
timus. Quid modo in Perside? Nōnne ita in Christianos
serbuit persequitio, si tamen iam quieuit, vt fugientes inde
nonnulli usque ad Romana oppida peruererint? Hæc atq;
huiusmodi mihi cogitanti, non videtur esse definiendus nu-
merus persequitionum, quibus exerceri oportet Ecclesiam.
Sed rursus affirmare alias futuras à regibus præter il-
lam nouissimam, de qua nullus ambigit Christianus, non
minoris est temeritatis. Itaque hoc in medio relinquimus,
neutram partem quæstionis huius astruentes siue destruen-
tes; sed tantummodo ab affirmandi quodlibet horum au-
daci præsumptione reuocantes.

Gentilitatem varijs distractam deorum cultibus, virijsque dis-
sipatam, in hoc tamen conuenisse, ut unius Dei culto-
res persequeretur. C A P. XII.

HAETenus abunde monstratum est Gentilem impie-
tatem cum religione, & iniquitatem cum iustitia, &
cum honestate turpidinem pacem habere non
posse;

posse; sed odio semper implacabili persecutam esse, ac tanquam intolerabilem sibi hostem, omnibus opibus viribusque delere funditus decreuisse. Hinc sequuta in familijs separatio, in regnis bella, in toto orbe crudelitas. Non enim venerat Christus pacem mittere seculare, qua fieret ut nulla esset in terris dissidentium inter se se partium hostilis collisione; sed gladium potius, dum conuersis ad Christum non nullis, hos cæteri in sua impietate obfirmati, non maledicis modo verbis atque blasphemis, verum etiam gladijs inse-
 Etarentur. Et ad nouum quidem testamētum pertinet quod scriptum est. Conflabunt gladios suos in vomeres, & lan- *Isaie 2.*
 ceas suas in falces; non leuabit gens contra gentē gladium, nec exercebuntur ultra ad prælium. Ac rursum: Lopus & *Isaie 69.*
 agnus pascentur simul, & leo & bos comedent paleas, & *C. II.*
 serpenti puluis panis eius: non nocebunt neque occident, in omni monte sancto meo, dicit Dominus. Verū hæc propter multorū conuersionē scripta sunt, qui ex persecutoribus ecclesiæ, facti sunt eiusdē spiritales agricolæ, atq; ex feris bestijs homines māsueti. Etenim in ecclesia, quæ mons est Dei sanctus, hoc euenit, ut cum agno, qui prius fuerat lupus, habitaret; puerque parvulus, id est, humilis & man-
 suetus in ecclesia pastor, minaret ac regeret eos. Bella quoq;
 Christus abstulit, quēadmodum in Psalmo prædictum est, *Psalm. 45.*
 usque ad finem terræ, sed ea bella, quibus contra Deum iustiamque pugnatur, & hoc quidem in electis suis, ad man-
 suetudinem pietatemque conuersis. At neque omnium ea fuit metamorphosis, & quibus contigit, priusquam fieret, magnis illi sæpe odijs atque furoribus in ecclesiam inuesti sunt. Tradet, ait Saluator, frater fratrem in mortem, infidelis fidelem, & eritis odio omnibus hominibus propter nomen meum. Perditorum hominum quādam vniuersitatem significat, cui inuisa virtus, cui exosa veritas, cui abominabiles futuri essent Christiani. Qua in multitudine, quid aliud esse dixeris, quam frementium quandam collectionem bestiarum? In qua, & si aliae in alias sæpe numero sc̄euunt, nec possit impietas in varios errores distracta, souere concordiam; tamen unus omnes impietatis spiritus, ad oppressiōnem propositæ veritatis instigat. Velut si inter seipso lupi furentes, ouem subito conspexerint, in hanc continuò naturalis omnium feritas, priorum inimicitarum oblita, con-

Mattb. 10.

D uertitur.

DE VARIIS PIORVM

Mattb. 10. uertitur. Quid enim hoc simile refugiam, quod ipsum nobis euangelium subministrat? Ecce, inquit Saluator, ego mitto vos sicut oves in medio luporum; talia proculdubio passuros eos denuncians, qualia necesse est oves perpeti inter luporum greges constitutas. Etsi mundus igitur quod suum est, in aliqua sui parte diligit, tamen quod de mundo electum est, ab eoque sensu ac moribus segregatum, nulla non sui parte mundus quoad potest persequitur. Unius Dei veri cultores, cultusque eius ac religionis professores, nonne quibuscumque superstitionibus dediti populi, tanquam uno animo furiosissimè sunt infectati? & tamen illi ipsi, incredibili deorum varietate diuisi atque distracti fuerunt. Non enim

Author libri idem apud omnes, inquit Athanasius, appellantur dij, sed contra Genitiles, inter Athanasij opera.

quot per orbem nationes sint, tot ferè singūtur dij. Et sāpē fit ut una Regio, & eadem ciuitas in huiusmodi simulachrorum cultu aduersum se magna seditione dissideat. Nempe enim Phœnices, Aegyptiorum deos penitus nesciunt, Aegyptijque Phœnicum simulachra ignorant. Schytæ itidem Persarum, & Syrorum Persæ non suscipiunt deos. Pelasgi quoque Thracum sacra repudiant, Thrasesque Thebanos ritus cultusque ignorant. Indi aduersus Arabas, & Arabes contra AEthiopas, hiisque ipsi aduersum se de religione dissentunt. Syri Cilicum deos minimè adorant, Capadocumq; genus deos alios nominat. Sed & Bithinij alios, & alios Armenij sibi finxere. Et quid me necesse est multa memorare? Epirotæ alios, quam qui insulas habitant, hiq; ipsi alios quam Epirotæ deos venerantur. Denique omnis fermè ciuitas, omnis pagus finitimorum nesciens deos, præfert suos, hosque solos cæteris præfert. AEgyptiorum facta sacrilega nihil referre opus est, cum sint ante oculos omnium, ut scilicet aduersum se inuicem urbes omnes de religione dissideant, studeantque veluti dedita opera, contraria sibi inuicem, qui sunt finitimi, colere. Nempe enim Crocodilus apud alios ut Deus adoratur, vicinis alijs abominatio existimatur. Leo item, qui apud alios pro Deo colitur, non solum à proximis ciuitatibus minimè suspicitur, verum etiam si ab his reperiatur, ut belua immanis occiditur. Piscis quem alij ut Deum venerantur, ab alijs incibum incunctanter assumitur. Hinc apud illos & bella, & seditiones, & iniuriae occasiones, omnisque perturbatio & voluptas viget.

Quodque

Quodque mirum sit, Pelasgi, vt tradunt qui ista scripsere, cum ab AEgyptijs deorum nomina cultusque didicerint, AEgyptiorum deos ignorantibus alios quam illi colunt; cunctarumque prorsus gentium, quas idolorum vesanus detinet cultus, aduersa secumque dissidens est de religione sententia, vt neque apud easdem eadem inueniatur. Et merito id quidem. Nam cum ab vnius ac veri Dei intelligentia delapsi sint, atque a vero patris verbo Saluatore omnium Christo defluxerint, mentem iure habent in multa variaq; distraetam. Deorum autem multitudinem, scelerum sequuta est multitudo: & diuisi cultibus homines, affectibus quoq; magis diuidi dissiparique coeperunt, vt possideret Christus aliquando, sicuti praedictum erat, haereditates dissipatas. Sic enim diremptum est omne foedus, dirempcta societas iuris humani; cum sibi quisque consulere, ius in viribus computare, nocere inuidem, fraudibus aggredi, dolis circumscribere, commoda sua aliorum incommodis adaugere; non cognatis, non liberis, non parentibus parcere; ad necem hominum pocula temperare, obsidere cum ferro vias, maria infestare: libidini autem, quo furor impulerit, frena laxare, nihil denique sanctum habere quod non nephanda cupiditas violaret. Nec suffecerat, inquit Sapiens, errasse eos circa Dei scientiam, sed & in magno viuentes inscientiae bello, tot & tam magna mala pacem appellant. Aut enim filios suos sacrificantes, aut obscura sacrificia facientes, aut insaniae plenas vigilias habentes, neque vitam, neque nuptias mundas iam custodiunt; sed alius alium per inuidiam occidit, aut adulterans contristat: & omnia commista sunt, sanguis, homicidium, furtum & fictio, corruptio & infidelitas, turbatio & perierium, tumultus bonorum, Dei immemoratio, animarum inquinatio, nativitatis immutatio, nuptiarum inconstitutio, inordinatio mœchiæ & impudicitia. Infandorum enim idolorum cultura, omnis mali causa est, & initium, & finis,

*Esaie 49:8**Sepien. 14:*

*Quæ causæ Gentilitatem ad persequendos crucianos
et deo cultores impulerint.*

C A P V T X I I I .

ITaque cæca gentilitas, variorum imbuta cultu deorum, atque multiplici ignorantia ceu caligine quadam inuoluta, lucem non sustinens veræ pietatis atque doctrinæ,

D ij graui-